

Yëkkuö Tsá Kit Pablo tö Tesalónica wakpa a

1 Tesalonicenses

Pablo tö yëkkuö i' kit duas dabom skeyök ena skeyök k_i et Jesús k_une'bak e' ukuök_i (50-51 AC) e' sh_u ulat. E' kuëk_i i' dör yëkkuö tsá kit ie' tö e'. Mik ie' skà dè'rö Tesalónica Skëköl tté buaë e' pakök et_a Timoteo ena Silvano e'pa mir ie' t_a. Mik Pablo tö Skëköl tté paka' k_a e' a, et_a taië pè' ulunek_a ie' k_i, e' kuëk_i ie' bakshkarmi dò Atenas. E' ukuök_i ie' shkakmine kanëblökne Tesalónica Jesús mik erblökwakpa k_imuk, erè kè ie' dè'röne. Erè Jesús mik erblökwakpa we'ikeke taië pè' kè dör Jesús mik erblökwakpa esepa tö, e' kuëk_i Pablo tö Timoteo è patkè'mi yëkkuö i' muk ie'pa a ier diché ioie (Hechos 12.1-14).

Ì kit Pablo tö yëkkuö i' k_i e' dör i' es: Et: Ie' tö wèstela mé Skëköl a ì buaë o' ie' tö Jesús mik erblökwakpa tso' Tesalónica e'pa a e' k_i. Ñies Pablo tö ie'pa a ieri mène tö Skëköl tso' ie'pa t_a.

Böt: Pablo tö ie'pa a ieri méne tö wës ie' bak senuk ie'pa sh_ua ena wës ie' tö ie'pa dalërits. Ie' tö ikít es ie'pa er diché ioie senuk Jesús a.

Mañat: Pablo tö ie'pa er diché ié senuk kekraë Jesús a. Ñies ì tköraë Jesús mik erblökwakpa t_a mik iblërulune et_a, e' paké ie' tö ie'pa a. Ñies ie' tö ikkachè tö wës se' kawöt_a Jesús datskene e' panuk kröröë.

Shkë'wè

1 ¹Ye' dör Pablo. Silvano ena Timoteo tso' ye' t_a ié. Sa' tso' yëkkuö i' shtök Skëképa Jesús icha erule serke Tesalónica e'pa a. A' batsulew_a Skëköl dör S'yé e' mik, ñies Skëképa Jesucristo mik. As ie'pa er buaë chò ena sene bèrè mù a' a.

Pablo wèstela ché Skëköl a Tesalónica wakpa dalërmik

²Kekraë sa' tö wèstela cheke Skëköl a a' dalërmik. Mik sa' ttöke ie' t_a, et_a kekraë sa' tö ikieke a' k_i. ³Sa' éna iane tö a' erblöke Jesús mik, e' kuëk_i a' tö ì kos buaë weke. S'yé dalër taië a' éna, e' kuëk_i a' kanëblöke darèrè ie' a. Skëképa Jesucristo datskene, e' paneke a' tö mokijè, e' kuëk_i

a' e' tkéwā darërë ie' mik. E' kōs kuekī kēkraë mik sa' ttōke Skëkōl tã, etã sa' tō wëstela cheke ie' dōr S'yé e' a' a' dalërmik. ⁴A yamipa dalër taijë Skëkōl éna, sa' wã ijcher tō ie' tō a' shukitbak ie' ala'rie. ⁵Mik sa' tō Jesús tté buaë paka' a' a, etã kè sa' wã ipakane tté è wa. Nïes Wikōl Batse'r diché e' k kayë' sa' tō a' a. A' tō isué tō ì ché sa' tō, e' ché sa' tō er mokië wa. A' wã ijcher buaë tō sa' bak senuk yësyësë a' shuã iwã kkachōie tō a' kawōtã senuk es.

⁶Es a' dë'bak senuk yësyësë wës sa' ser es, nïes wës Skëkëpa Jesús ser es. Mik a' tō Jesús tté buaë klō'bak, etã e' kuekī pë' tō a' we'ik siarë, erë a' tō tté e' klō'wekeia ttsë'ne bua' wa Wikōl Batse'r batamik. ⁷E' wa a' tō iwã kkaché Jesús mik erblōkwakpa serke Macedonia ena Acaya, e'pa kōs a' tō wës s'kawōtã senuk Skëkōl a. ⁸A' batamik Skëkëpa Jesús tté bunekã Macedonia ena Acaya. Kã wa'ñe, wé ye' mirwã, eë pë' kōs wã ijcher tō a' erblōke Skëkōl mik. E' kuekī kè ì ku'ia chë yi a' tté e' kī. ⁹Sulitane tō sa' a' icheke tō a' tō sa' ki'wã buaë. Nïes ie'pa tō icheke tō íyi diōkōl tso' dalōië, ese kōs watëttsã a' tō kanebloie Skëkōl chōkle ekōl è e' a. ¹⁰Nïes ie'pa tō icheke sa' a' tō a' tso' Jesús datse kã jaì a, e' panuk er moki wa. Ie' dōr Skëkōl Alà. Ie' kōtewã, erë Skëkōl tō ie' shke'kane. Ie' tō se' tsatkée, se' weirdaë siarë aishkuō tã, e' yōkī.

Ì 9' Pablo tō Tesalónica

2 ¹A yamipa, a' wã ijcher buaë tō sa' sene' a' shuã, e' wã kè dōr éme, e' tō a' kímé buaë. ²A' wã ijcher tō kam sa' dō a' ska' e' yōkī Filipos wakpa tō sa' yë' suluë, sa' we'ik siarë. Nïes a' kã a' pë' bak e'pa éna sa' wōklō'wak erë Skëkōl tō sa' kímé'. Ie' tō diché mé sa' a' Jesús tté buaë pakoie a' a. ³Sa' kè tō s'patteta' kache tté wa ö íyi sulusi dalërmik ö s'kitō'woie. ⁴Sa' kè tō s'patteta' es. Skëkōl tō sa' er webleke, e' tō sa' shukit. Ie' tō kanè me'at sa' ulã a' Jesús tté buaë pakök. E' kuekī sa' ipakeke as sa' wër buaë ie' wa, kè dōr s'ditsö wa. ⁵A' wã ijcher tō sa' kè dë'rö a' ska' a' kikōkkã kache tté wa. Kè sa' wã a' pautule inukōl kiane sa' kī e' kuekī. Skëkōl wã ijcher tō sa' kè wã iwamblëne es. ⁶Sa' kè dë'rö a' ska' as a' tō sa' kikōkã ö yi skã tō sa' kikōkã. ⁷Sa' dōr Cristo ttekōlpa tsã, e' kuekī sa' wã kawō ta' as a' tō sa' saü buaë, erë e' kè kine sa' wã a' a. Sa' tō a' sué wës alã mì tō ila'rla suë es. ⁸Sa' éna a' dalër taijë, e' kuekī sa' ttsë'ne buaë a' pattök Skëkōl tté buaë wa. Kè dōr e' è wa, nïes sa' e' mumittsã weinuk a' dalërmik. ⁹A yamipa, a' éna iane tō mik Skëkōl tté buaë paka' sa' tō a' a, e' dalewa sa' kanebblë' darërë. Sa' kanebblë' nïë nañeë as sa' kè tō a' ulã panù sa' tioie.

¹⁰A' wã ijcher, nïes Skëkōl wã ijcher, tō sa' sene' batse'r yësyësë kè kī ì sulu tté tã' a' dōr Jesús mik erblōkwakpa e'pa shuã. ^{11,12}A' wã ijcher tō sa' tō a' paut, a' er pablë' ekōl ekōl wës iyé tō iwë iwák ala'r tã es. Nïes sa' tō a' a' iyë' kēkraë tō a' senú yësyësë wës Skëkōl kī ikiane es. E' tō se' klō'bak as se' dō ì blúie ie' tso' olo tã' taijë e' kíie.

¹³Mik sa' tō Skëköl ttè paka' a' a, etā a' kè wā itsène wēs s'ditsö ttè es. E' skéie a' tō itse' wēs Skëköl ttè mokī es, tā es je' idir. E' kuëkī kēkraë sa' tso' wëstela chök Skëköl a' a' dalërmik. Ie' ttè batamik, iwakanewëkeitö a' dör Jesús mik erblökwakpa e'pa er a. ¹⁴A yamipa, a' wakpa ditséwöpa e'pa tō a' we'ik siarë. Es ñies ibak Skëköl icha erule erule erblö Cristo Jesús mik tso' Judea e'pa tā. Judiowak malepa tō ie'pa we'ik siarë ñies. ¹⁵Judiowak tō iwakpa we'ik Jesús tté kuëkī, e' wakpa è tō Jesús kötwa wēs ká iaiäe ie'pa tō Skëköl ttekölpa kötulurbak es. Ñies ie'pa è tō sa' trëo'yal. Ie'pa kè wër buaë Skëköl wa! Ie'pa kè wödör yi mik! ¹⁶Mik sa' tō Skëköl ttè pakeke pë' kè dör judiowak esepa a' as ñies ie'pa tsatkër, etā judiowak ñe'pa tō sa' ma'wé wöklö'wè as kè sa' tō ttè e' pakò, erë ie'pa kè ulà dë' iska'. Es ì sulu nuí, e' kī kieke ie'pa tō e' kī tajë. Bata ekkè tā Skëköl tō ie'pa kichatéttsatke.

Pablo shkakne ie'pa weblök

¹⁷A yamipa, sa' manétyal, sa' kè ku'ia a' tā ñita, erë sa' er me'rie a' kī. Sa' manétyal erë bet tā sa' éna shkakne suluë a' weblökne. ¹⁸Sa' tō ima'wé, ye' wák tō ima'wé tseë erë Satanás tō sa' wöklö'wé. ¹⁹Mik Skëképa Jesús dene, etā çyi tō sa' ttsë'wëmi buaë mokijë ie' wöa? Ie' dör a'! Ì buaë paneke sa' tō Jesús wörkī a' batamik. A' dë' Skëköl ala'rie, e' tō sa' ttsë'weraë buaë Jesús wörkī. ²⁰Yëne e', a' wa sa' e' ttsökeka, a' tō sa' ttsë'weke buaë.

Timoteo patkémine Tesalónica wakpa ska'

3 ¹Bata ekkè tā, mik sa' kè a' idalë'ttsëneia, etā sa' tō ibikeits tō “sa' bøl ate íe Atenas ²tā s'yami Timoteo e' patkekemi sa' tō a' weblök.” Ie' dör Skëköl kanè méso Cristo tté buaë pakök wēs sa' es. Sa' tō ie' patkë'mi a' kīmuk as a' diché kī iër Jesús ttè a' ena a' erblöia mokijë imik. ³Sa' kè kī ikiane tō a' wele eriawè, a' weirke siarë Jesús tté kuëkī, e' tō. E' tköraë se' tā wake'. ⁴Mik sa' bak a' ska', etā sa' tō a' a' iyë' tajë tō se' weirdaë pë' kè dör Jesús mik erblökwakpa esepa ulà a. A' wā ijcher buaë tō iwà tka es. ⁵E' kuëkī mik ye' wák kè a' idalë'ttsëneia, etā Timoteo patkë'miyö a' tté ttsök tō çis a' erblöke Jesús mik e' mir? Ye' suane siarë dö' Satanás tō a' erkiöwè tā a' èmine tā kos sa' tō a' patté e' weirdawa é.

⁶Erë Timoteo tso' a' ska', írö ie' dene. Ie' wā biyö buaë debitu sa' a. Ie' ichè tō a' erblökeia Cristo mik, ñies a' ñi dalëritsökeia buaë. Kēkraë a' tō sa' bikeitseke er bua' wa. A' éna sa' suakne suluë wēs sa' éna a' suakne es. ⁷A yamipa, a' erblöke Jesús mik buaë, e' tō sa' er pableke tajë sa' eriarke kos sa' weirke kos e' shua. ⁸Mik sa' ittse tō a' e' tkéwā darërë Skëképa mik, etā sa' er dekañe. ⁹A' tō sa' ttsë'wé buaë ichökle Skëköl wöa. Kēkraë sa' tō wëstela cheke ie' a' tajë a' kī, erë e' kè dör wë'. ¹⁰Sa' tō ie' a' ikieke tajë ñië nañëe as kawö mùitö sa' a' a' suoie a' kī wöbla'woie as a' kī yör erblök Jesús mik.

Pablo tté Skëköl ta

¹¹Skëköl dör S'yé e' ena Skëkëpa Jesús e'pa a sa' tò ikieke tò sa' kimú shkoie a' ska'. ¹²As Skëkëpa tò a' kò ñi kí dalëritsök taië shütë ñies sulitane dalëritsök wes sa' tò a' dalëritseke es. ¹³As ie' tò a' er diché kí iò as a' dò Skëköl dör S'yé e' wörkí batse'r, kè kí ì sulu tté ta', mik Skëkëpa Jesús datskene ie' icha batse'rpa ta' eta. Es e' idir.

Sëne wër buaë Skëköl wa ese

4 ¹A yamipa, sa' tò a' wöblaö' tò a' senú wes Skëköl wa iwër buaë es, e' iuteke buaë a' tò. I' ta' sa' tò a' a' ikieke, sa' tò a' patteke Skëkëpa Jesús ttò wa, tò a' kí senú yësyësë këkraë.

²Ì uk a' ka' ye' tò Skëkëpa Jesús ttò wa, e' jcher buaë a' wa. ³Skëköl kí ikiane tò a' ser batse'r, e' wà kiane chë tò a' e' skóttsa trë kos yöki. ⁴A' e' wöbla'ú e' kkö'nuk batse'r dalöier'ta'. ⁵A' kè kàne senuk wes pè' kè e' batsö'ta' Skëköl mik es. Ie'pa trër taië wes iwákpa kí ikiane es. ⁶A' dör ñi yamipa Jesús ttè wa, e' kuekí kè a' kàne ñi tsiriuk a' alakölpa wa. A' ñi wamblò es, e' ta' a' ñi dalöseukewa. Sa' tò a' a' iyë'bak tò wépa tò iwambleke es esepa we'ikeraë siarë Skëkëpa Jesús tò. ⁷Skëköl kè wa a' klöone e' ia'ukká sëne sulusi wa. Ie' tò a' klöo' senuk batse'r ie' a. ⁸E' kuekí yi tò ttè i' watëttsa, ese kè wa s'ditsö ttè watënett'sa, ie' tò Skëköl tò Wiköl Batse'r mé se' a, e' ttè watëttsa.

⁹Skëköl wák tò a' wöbla'wé ñi dalëritsök, e' kuekí kè ì shteku'ia sa' tò ttè e' kí. ¹⁰A yamipa, e' yène tò Jesús mik erblökwakpa serke Macedonia, e'pa kos dalër taië a' éna. Erë sa' tò a' kí patteke tò a' kí ñi dalëritsö taië shütë. ¹¹Ñies a' e' chó senuk bèrë. Pè' kè tsiriwar kanë wa, ttè wa, ì wa. A' wakpa íyi è wà saú wà shuló. A' kanebló a' wákpa ulà wa wes sa' tò a' iyë' es. ¹²A' tò iwé es, e' ta' pè' kè erblò Jesús mik, esepa tò a' dalöieraë. Ñies a' tò iwé es, e' ta' ì kos kiane a' kí sènoie, e' döraë a' ulà a' as a' kè tò yile ulà panù a' kanéwoje.

Skëkëpa Jesús datskene

¹³A yamipa, sa' kí ikiane tò a' wa ijcher tò ì tköraë se' blërulunebak esepa ta' as a' kè eriar wes wépa kè ku' ì panuk, esepa eriar es. ¹⁴Se' tò iklö'wé tò Jesús kötëwá shkenekane, e' kuekí ñies se' tò iklö'wé tò wépa batsulewá ie' mik blërulunebak, esepa tserabitü Skëköl tò Jesús ta' mik idatskene eta.

¹⁵E' kuekí ì kkayë' Skëkëpa tò sa' a' e' chekene sa' tò a' a, e' dör tò mik ie' dene, eta' se' dör ie' icha tso' ttsë'ka, esepa kè mîne se' malepa blënewá, esepa yöki kewë. ¹⁶Mik Skëkëpa wák bitukene ká jai a, eta ittöraë aneule darëre tseraë sulitane tò. Ñies Skëköl biyöchökwakpa wökir kibi, e' ardaë ta' Skëköl duk bla'weraëitö taië. Eta wépa batsulewá

Cristo mik blërulunebak, esepa shkerdakane kewë. ¹⁷E' ukuöki ta se' tso' ttsë'ka ká i' a, esepa kos busdaká ie'pa ta ñita mò a ta Skëképa Jesús kueraësö kashuk a, eta es se' tso'ie ie' ta kekraë. ¹⁸E' kueki a' ñi er diché ió ttè e' wa.

5^{1,2}A yamipa, a' wa ijcher buaë tö mik Skëképa Jesús datskene, eta kèwö e' datse kè biyó yëule wes akblökwakpa döwa se' u a nañewe es. Kè yi wa ijcher tö mik idatskene, e' kueki e' kèwö kè kituk sa' a yëkuö kî a' a. ³Mik sulitane tö iché: “Ire' sulitane serke bèrè ñita, kè paürku!” e' bet ta ì sulu döraë ká i' kî ta s'ditsö weirdaë siarë. Ie'pa kè tkòpashkar iulá a wes tayë alá kurke e' kè tkòpashkar iweir taië e' ulá a es. ⁴Erë a yamipa, a' kè serku'ia ká ttsetse a wes ie'pa es. E' kueki e' kèwö kè döpa a' kî wes akblökwakpa döwa es. ⁵A' kos serke yësyësë Jesús ttè dikia, e' dör wes se' serke ká ñiwe a es. Skëképa Jesús kèwö, e' tö a' ttsë'weraë buaë. Kè se' tö ì sulu wambleku'ia wes ká ttsetse wakpa es. ⁶E' kueki kè se' kàne senuk wes ie'pa es. Ie'pa dör wes se' kapòtulur es, kè ku' ì panuk. Erë se' kawöta senuk wösh wa, kabikeitsöke buaë wes s'tso' kkáme es. ⁷Wépa kapòtkëter, esepa kapòtkëter nañewe. Wépa tteke blo' tö, esepa tteke blo' tö nañewe. ⁸Erë se' dör wes ká ñiwe wakpa es, esepa ké kabikeitsök buaë wes s'tso' kkáme es. Se' erblò Jesús mik, ñies se' ñi dalëritsò, e' tö se' bleraë wes iyi daloie ieke ñippökwakpa tö ibatsi' kî kuaböt yöki es. Ñies se' tsatkërdaë, e' panusö kröröë, e' tö se' tsatkeraë wes iyi daloie tkekeka ñippökwakpa tö iwökir kî e' tsatkoie es. ⁹Skëköl kè wa se' klöone ie' ala'rie se' we'ikoie. E' skéie se' klöo'bakitö se' tsatkoie Skëképa Jesucristo batamik. ¹⁰Cristo kötwá se' skéie as se' ser michoë ie' ta ñita. Se' blënewá ö se' tso'ia ttsë'ka, e' kè dë wes ie' a mik ie' datskene eta. ¹¹E' kueki a' ñi er pabló, a' ñi diché ió, ttè ikké wa wes a' tso' iwá uk es.

Pablo tö ie'pa kî patté

¹²A yamipa, wépa tso' kaneblök darërë a' wökirpaie Skëképa Jesús ttè a, esepa tö a' kkö'neke, a' patteke as a' ser buaë yësyësë Skëköl a. E' kueki sa' tö a' a ikieke tö ie'pa dalöiö. ¹³Ie'pa dalöiö taië. Ie'pa dalëritsó ie'pa kanë kueki. A' senu bèrè ñita.

¹⁴Ñies sa' tö a' patté tö a' wépa bikëne, kè éna kaneblak, esepa uñü. Wépa eriarke, esepa er pabló. Wépa kè ku' tkëulewá darërë erblök Jesús mik, esepa kimú. Sulitane dalë'ttsó er bua' wa.

¹⁵A' e' kkö'nú. Mik yi tö ì sulu wamblé a' kî, eta kè a' tö ì sulu wamblökne ie' kî iskéie. E' skéie a' e' chó kekraë er buaë chök ñi a ena sulitane a.

¹⁶A' ttsë'nú buaë kekraë. ¹⁷A' ttó me'rie Skëköl ta. ¹⁸Ì kos kî wëstela chó Skëköl a. A' dör Cristo Jesús icha, e' kueki Skëköl kî ikiane tö a' ser es.

19 Ì weke Skëköl Wiköl tö a' shuá, e' kè wöklö'war. 20 Ttè Skëköl ttekölie, ese kè watarttsá. 21 Iwà kòs bikeitsó bua'iewá. Wé dör buaë ese bló. 22 Ì sulu kòs, ese yöki a' e' skótttsá.

23 Skëköl dör sene bèrè mukwak, as e' tö a' kìmù senuk batse'r. Ñies as ie' tö a' chkà, a' er, a' wiköl, a' wák wa'ñe kkö'nù kè kì ì sulu tté tã' yès dò mik Skëképa Jesucristo datskene etã. 24 Yi tö a' klöo'bak, e' ttò mokië. Ie' tö ese kòs waweraë.

Pablo e' chéat

25 A yamipa, a' tö ikió Skëköl a sa' kì.

26 S'yamipa kòs shke'ú sa' a ñì dalër wa.

27 Ye' tö a' ké Skëképa Jesús ttò wa yëkkuö i' sauk s'yamipa kòs a.

28 As Skëképa Jesucristo er buaë chò a' a.